



## **Ineqarnermut suliassa qarfirmik aqqissuuseqqinneq pillugu politikikkut isumaqatigiissut**

### **Siunissami toqqissisimanartumik ineqarnermut politikki**

Naalakkersuisut aammalu Inatsisartuni partiit politikikkut isumaqatigiissuteqarfineqartut akornanni siunissami ineqarnermut suliassa qarfiup aqqissugaanerata aqqissuuteqqinneqarnissaa pillugu politikikkut isumaqatigiissutigineqarpoq.

Ineqarneq pillugu aqqissuuseqqinnissaq pisariaqartutut isigineqarpoq. Inuiaqatigiit ungasinneruleqqallutik, nunalu akimorlugu atugassarititaasut, periarfissaasullu naligiinnginnerullutik inuiaqatigiinni naligiinngikkaluttuinnartoqartoq malugineqarpoq. Nammineq ineqarsinnaaneq inooqataanikkut, peqqissutsikkut, aningaasatigullu naligiinnginnermut annertuumik atavoq. Taamaattumik ineqarnikkut toqqissisimanissaq inuit ataasiakkaat, ilaqutariillu inuunerinut, periarfissaannullu atugassarititaasunut aalajangiisuvoq. Taamaalilluni naligiinnginnerup annikillisinniarneqarnissaani, innuttaasullu inuunermi atugaasa pitsanngorsarneqarnissaani ineqarneq pillugu politikki qitiusumik inissisimavoq.

Isumaqatigiissut tassaavoq sulinissamut allakkiaq, ineqarnermut suliassa qarfirmi aalajaatsunik killissaliussinissamik aammalu politikikkut anguniagaqarnernik siunissamilu politikkisamat tunngaviusussanik, aqqissuuseqqinnerullu imarisasaanik aalajangersaanissamik siunertaqartoq. Isumaqatigiissummi siunissami sulinissamut politikikkut sammivissaq nassuiarneqarpoq, unammillernartussallu aammalu suliassat tulleriarneqarnissaat aalajangersarneqarlutik. Ineqarnermut suliassa qarfiup aqqissuuteqqinneqarnerani immikkoortut imarisai ataavartumik isumaqatiginninniutigineqartassapput. Suleqatigiinnermi kommunit akuutinneqassapput.

Isumaqatigiissuteqarnermi Naalakkersuisut pisussaaffilerput politikikkut anguniagarineqartut tunngaviusullu isumaqatigiissummi matumani allassimasut naapertorlugit politikkinik aalajangersimasunik aqqiissutissanillu ilusilersuineramik sulissutiginninnissamat. Politikikkut partiit isumaqatigiissuteqartut suliagarnermi pisussami pilersitsiviullartumik ilaanissamat aammalu isumaqatigiissummi anguniagarineqartut tunngaviusut nassuiarneqartut naapertorlugit piviusunngortinneqarnissaannut tapersiinnissamat pisussaaffeqalerput.

Isumaqatigiissut 2023-miit 2033 tikillugu atuuppoq. Politikikkut tunngavigisaq, suliniutillu aallartinneqarsimasut ukiut pingasukkaarlugit nalilersorneqartassasut isumaqatigiissutigineqarpoq.

### *Ineqarnermut suliassa qarfik oqimaqatigiittoq*

Ineqarnermut suliassa qarfirmi ullumikkut unammilligassarpassuaqarpoq, aalajaatsunik killissaliussinissaq ungasissumullu tamakkiisuutitsilluni aqqiissutissarsinissaq pisariaqarluni. Inuit ataasiakkaat najukkanilu inuiaqatigiit, assigiinnerusumillu atugassa qarfitsinissaq eqqarsaatigalugit aammalu nunarput tamakkerlugu naligiimmik periarfissaqarnissamat iluaqutaasussamik aqqiissutissarsinissaq sulissutigineqassaaq. Innuttaasut nammineersinneqalissapput, soorluttaaq inoqarfinni annerusuni minnerusunilu pisortat, namminersorlutillu inissianik pilersuisuni atugassarititaasut naligiissinneqarnerulissallutik.

Unammilligassat innuttaasutut ulluinnarni misigineqartartut Nuummi imaluunniit inoqarfinni minnerusuni najugaarneq apeqqutaalluni assigiinngitsuupput. Kikkut tamarmik pisinnaatitaaffeqarput peqqinnartunik ineqarnissamat aammalu nunatsinni sumiiffinni tamaginni periarfissanngortinneqassaaq innuttaasut imminnut inissiamik pilersorsinnaassuseqarnerannik tunngavissiumik. Taamaalilluni ineqarnermut suliassa qarfik siunissami aqqissuunneqassaaq pisortanit ikiorneqartussani innuttaasut aningaasaatikinnerusut salliutinneqarlutik. Tamanna inoqarfinni minnerusuni innuttaasunut, inoqarfinnilu anginerusuni innuttaasunut atuutissaaq.

Inuunermi killiffik, atugassarititaasullu apeqqutaallutik ineqarnikkut pisariaqartitat assigiinneq ajorput. Taamaattumik inissianik niuerfiup eqaatsuunissaa, allanngorartuunissaalu sapinngisamik anguniarneqassaaq. Aalajangersimasumik siunnerfeqarlutik periusissiat, iliuusissatullu pilersaarutit akuerisaareersut sulinermi tunngavissinneqarlutik, suliallu ingerlateqqinneqarnerani tunuliaqutaallutik ineqarnek pillugu aaqqissusseqqinnermi sulineq siammasissaaq.

Illulortiternernut aningaasalersueriaatsit naleqqussarneqassapput, taamaalillutik taakkua anguniagaqarnermut tassunga sapinngisamik annertunerpaamik tunngavissiissallutik;

- Aningaasassat innuttaasunut nammineerlutik ileqqaarnissamut periarfissaqanngitsunut imaluunniit sumiiffimmi aningaaserivinnit assigisaanillu illulortiternernut aningaasalersuinissamut taarsigassarsiviusinnaanngitsuni najugaqartunut, salliutitsivigineqassapput.
- Inoqarfinni minnerusuni nammineq taarsigassarsisinnaaneq qanoq tunngavissinneqarsinnaanersoq misissorneqassaaq, assersuutigalugu pisortat qularnaveeqqusiinerisigut.
- Siullermeerlutik pisisussat ineqarnermut niuerfimmi ikiorneqassapput. Taakkununga siunnerfilinnik aaqqissuussinernik immikkuullarissunik suliaqartoqassaaq.
- Namminersorlutik Oqartussat inissiaataannik attartortut inissiamik attartukkaminnik piginnittuusinnaaneritut periarfissat pitsanngorsarneqassapput
- Inoqarfinni annerusuni innuttaasut aningaasaatikitsut ineqarnikkut imminnut pilersorsinnaanerminnut periarfissat pitsaanerussapput. Aningaasassat ineqarnermut suliassaqarfimmi immikkoortinneqartoq siunertaq malillugu atorineqarnissaat aammalu inissiat amerlanerulernissaannut iluaqutaanissaat qulakkeerneqassaaq.

Pisortat sapinngisamik ikinnerpaanik inissianik pigisaqassapput. Innuttaasut pissakinnerusut inissiamik pilersorneqarnissamik pisariaqartitsisut, kiisalu pisortat suliassaqarfiini sulisussarsisarnissamut atugassanik sulisunut inissianik pisariaqartitsisoqartoq *akuersarneqassaaq*. Sulisunut inissiat atorineqarsinnaasut amerlassusaat, inuiaqatigiinni pisariaqavillutik atorfiit inuttassarsiuunneqarneritut salliutinneqassapput. Sulisunut inissianik atuneq annikillisinneqassaaq siunissamilu atorunnaarsikkiartuaarneqassalluni. Atorfimmut atatillugu inissianik massakut atuisarneq ataannarsinnaanngitsoq, taamaattumillu atorfimmut atatillugu inissiat pillugit politikki allanngortinneqartariaqartoq ersarippoq.

Namminersorlutik Oqartussat inissiaataanni aserfallatsaaliuisimanningerup iliuuseqarfiginissaanut pilersaarut ingerlanneqassaaq aammalu aserfallatsaaliuisanninnerup siunissami annertusiartunnginnissaa qulakkeerniarlugu najugaqatigiiffinni aningaasaqarneq oqimaaqatigiilissaaq. Taamaattumik pisortat inissiaataanni attartortittakkani ineqarnermut akiliut aamma qularnaveeqqut, ingerlatsineritut aserfallatsaaliuinerimullu pissusiviusuni aningaasartuutitut naapertuutissapput. Aningaasartuutit, taamaalillunilu ineqarnermut akiliutit sapinngisamik appasinnerpaaffimmiisinniarneqassapput. Ineqarnermut akiliutip pisariaqartumik naleqqussarneqarnissaa arriitsumik atuutsikkiartuaarneqassapput, taamaalilluni attartortut aningaasaqarnerat toqqissisimanartumiisinneqassalluni. Innuttaasut aningaasaatikitsut ineqarnermut tapiissutitut aaqqissuussinerup naleqqussarneqarneratigut ikiorserneqassapput.

Pisortat ineqarnermut suliassaqarfiata aaqqissuussaanaera eqqarsaatigilluarneqassaaq, taamaalilluni allaffissornikkut aqutsineq sunniuteqarluarnerulersinneqassalluni aammalu aningaasartuutissat tassunga atasut annikillisinneqassallutik. Ineqarnermut suliassaqarfik aaqqissuunneqassaaq innuttaasut pisariaqartitaat sapinngisamik pitsaanerpaamik naammassineqartussanngorlugit. Aalajangigassaqarpat, aalajangiinissani kommunit akuutinneqartassapput.

Ineqarnermi iluarsaaqqinnermik suliaqarnerup ingerlaqqinnerani allanik iluarsaaqqinnernik suliaqarneq mianerineqassaaq.

Aaqqissuusseqqinnerup immikkoortut imarisai - siunissami suliaqarnissaq:

### **Najugaqatigiiffiit aningaasaqarneranni oqimaaqatigiissitsineq**

*Siunertaq:* Namminersorlutik Oqartussat inissiaataanni ineqarnermut akiliutip ingerlatsinermut aserfallatsaaliuinemullu pissusiviusuni aningaasartuutitut naapertuunnissaata qulakkeerneqarnissaa. Ineqarnermut akiliutip naleqqussarneqarnera paasiuminartuussaaq aammalu taanna toqqissimatitsisumik sukkassusilimmik ingerlanneqassalluni aammalu attartortut aningaasaqarnerminnik naleqqussaaniissamut periarfissinneqassallutik. Tamanna attartortitsinermut nutaamik inatsisiliornikkut ingerlanneqassaaq.

*Attartortitsisarnermut inatsisissamut piffissamut pilersaarut:*

- 2024-p qiteqqunnerani attartortitsisarnermut inatsisissamut nutaamut tunngaviusussanut imarisassaanullu isummernissamut tunngavissiaq.
- 2024-p naanerani attartortitsisarnermut inatsisissamut nutaamut inatsimmut siunnersuummut missingiut.
- 2025-p aallartinnerani tusarniaasoqassaaq, siunnersuut kommuninut aamma Inatsisartuni partiinut saqqummiunneqassaaq tamatumalu kingorna naleqqussarneqassalluni.
- **UKA2025** Attartortitsinermut inatsisissamut nutaamut inatsisissatut siunnersuut oqaluuserineqassaaq.

*Siunertaq:* Ineqarnermut akiliutip naleqqussarneqarneranik piviusunngortitsinermut atatillugu innuttaasunut aningaasaatikitsunut aningaasaqarneq pillugu toqqissimatitsinissaq. Inissiani namminersortunit pigineqartuni attartortut ineqarnermut akiliutigisartagaat, aningaasartuutit malillugit qaffasissumik aamma annertussusilerneqartarput. Ineqarnermut tapiissuteqartariaatsimik naleqqussaaniikkut, pingaartumik attartortut appasissumik akissarsiallit ineqarnermut akiligassaminnik akiliinissaannut tunngavissinneqassapput. Ineqarnermut tapiissuteqartariaatsimik allannguiniikkut, inoqutigii amerlanerusut aaqqiissummut ilaatinneqalissapput. Taamaattumik innuttaasut inissiatigut imminnut pilersornissaasa periarfissaat sapinngisamik sulit tunngavissinneqarnissaa qulakkeerumallugu aaqqiissut, taassumallu kinguneri ataavartumik nalilorsorneqartassapput.

*Ineqarnermut tapiissutit pillugit inatsisissamut piffissamut pilersaarut:*

- 2024-p qiteqqunnerani ineqarnermut tapiissutinut aaqqissuussamut nutaamut tunngaviusussanut isummernissanut tunngavissiaq.
- 2024-p naanerani ineqarnermut tapiissuteqartariaaseq nutaaq pillugu inatsisissatut missingiut.
- 2024-p naanerani tusarniaaneq, siunnersuut kommuninut aamma Inatsisartuni partiinut saqqummiunneqassaaq tamatumalu kingorna naleqqussarneqassalluni.
- **UPA2025** Ineqarnermut tapiissutinut aaqqissuussinermut nutaamut inatsisissatut siunnersuut oqaluuserineqassaaq.

### **Namminersorlutik Oqartussat inissiaataannik iluarsaassinissamik suliniuteqarnissaq**

*Siunertaq:* Namminersorlutik Oqartussat inissiaataanni aserfallatsaaliuinissaq annertunerusoq pisimangilaq. 2023-mut aningaasanut inatsit naapertorlugu iluarsaassinissamut suliniutissanut aningaasalersuinissamut pilersaarut saqqummiunneqassaaq. Iluarsaassinissamut suliniutissani siunertaavoq aserfallatsaaliuisimanginnerup annertusiarornissaata unitsinneqarnissaa, taamaalilluni



tamanna siunissami annikillisinneqarsinnaaniassamat, ineqarnermullu suliassaqarfik oqimaaqatigiissinneqarsinnaaniassamat. Iluarsaassinermut suliniutissanik aningaasalersuinissamat, ineqarnermut akiliutip ingerlatsinermut aserfallatsaaliuiner mullu pissusiviusuni aningaasartuutaasartunut naapertuunnissaa pisariaqarpoq. Ingerlatsinermut, aserfallatsaaliuiner mullu tunngatillugu aningaasartuutit sapinngisamik appassisumiisinniarneqassapput. Allaffissor neq, najugaqarfiillu aaqqissugaaner at pisariillisar neqarsinnaanersut qulaajar neqassaaq.

*Iluarsaassinermut suliniutissanut piffissamat pilersaarut:*

- 2024-p qiteqqunnerani Namminersorlutik Oqartussat inissiaataannik iluarsaassinissamat suliniuteqarnissap aningaasalersorneqarnissaanut pilersaarut saqqummiunneqarlunilu akuerineqassaaq.
- 2024-p qiteqqunnerani nutarterineq aallartinneqassaaq.

### **Illuliortiternernut aningaasalersueriaatsinik naleqqussaaneq**

*Siunertaq:* innuttaasut inuiaqatigiillu inuiaqatigiit aningaasaataannik sapinngisamik pitsaanerpaamik atorluanaanissamik qulakkeerussunnissaat, kiisalu aaqqissuussinerit allaffissor nikkut aqunneqarnerannik oqilisaanissaaq. Tassunga tunngatillugu innuttaasut aaqqissuussinernut periarfissaqarnerat pitsanngorsarneqassaaq, taamaalillutik innuttaasut ineqarnikkut imminut pilersornissamat periarfissaqarnerat qulakkeerneqassalluni. Attartortuunermiit piginnittuunermut periarfissat pitsanngorsarneqarnissaannut periarfissat immikkut ittumik ukkatarineqassasut kissaatigineqarpoq.

*Illuliortiternernut aningaasalersueriaatsinik naleqqussaaneq piffissamat pilersaarut:*

- 2024-p qiteqqunnerani illuliortiternernut aningaasalersueriaatsit naliliivigineqarneranni immikkoortup aappaa saqqummiunneqassaaq.
- 2024-p qiteqqunnerani illuliortiternernut aningaasalersueriaatsinik naleqqussaaneq tunngaviusunut isummernissamat tunngavissiaq.
- 2024-p qiteqqunnerani illuliortiternernut aningaasalersueriaatsinut allannguutissanut inatsisissamat siunnersuummut missingiut.
- 2024-p qiteqqunnerani tusarniaassutigineqarnera, siunnersuut kommunit aamma Inatsisartuni partiinut saqqummiunneqassaaq tamatumalu kingorna naleqqussarneqassalluni.
- UKA2024 illuliortiternernut aningaasalersueriaatsit allannguutissaannut inatsisissamat siunnersuut oqaluuserineqassaaq.

### **Sulisunut inissianut tunngaviusut**

*Siunertaq:* sulisunut inissianik atuisarneq annikillisinneqassaaq. Sulisunut inissianik atuiner mut tunngavinnik kiisalu killissanik inatsisissatut siunnersuummik suliaqartoqassaaq. Namminersorlutik Oqartussat suliffeqarfiutaasa akornanni allami suliffittaarnermi, sulisutut inigisap najuinnarsinnaanissaa sulissutigineqassaaq.

*Sulisunut inissiat pillugit inatsisissamat piffissamat pilersaarut:*

- 2024-p naanerani sulisunut inissianik atuiner mut tunngaviusunut isummernissamat tunngaviusoq.
- 2025-p aallartinnerani sulisunut inissianik atuisarneq pillugu inatsisissatut siunnersuummut missingiut.
- 2025-p qiteqqunnerani tusarniaaneq, siunnersuut kommunit inatsisartunilu partiinut saqqummiunneqassaaq, kingornalu naleqqussarneqarluni.
- UKA2025 Sulisunut inissiat pillugit inatsisissatut siunnersuut oqaluuserineqassaaq.

### **Siunissami ineqarnermut suliassa qarfiup aaqqissuussaanera**

*Siunertaq:* Namminersorlutik Oqartussat aamma kommunit ineqarnermut suliassa qarfimmi siunissami inissisimanissaannik, kiisalu inissiaatileqatigiiffiit pisortanit pigineqartut siunissaannik, paasinarsitsinissaq.

*Siunissami ineqarnermut suliassa qarfiup aaqqissuussaanissaa pillugu isumaqatigiissutissamut piffissamut pilersaarut:*

- 2025-p aallartinnerani inatsisinik naleqqussaanissamik annertunerusunillu suliniuteqarnissamik pisariaqartitsisoqarnerisooq paasinarsitsineq.
- 2025-p aallartinnerani Namminersorlutik Oqartussat kommunillu ineqarnermut suliassa qarfimmi siunissami inissisimanissaat pillugu tunngavissat pillugit isummernissamut tunngavissiaq.
- 2025-p qiteqqunnerani ineqarnermut suliassa qarfiup siunissami aaqqissuunneqarnissaa pillugu politikikkut isumaqatigiissut.
- 2026-p aallartinnerani siunissami pisortat inissiaatileqatigiiffiisa aaqqissuussaanissaannut isummernissamut tunngavissiaq.
- 2026-p aallartinnerani pisortat inissiaatileqatigiiffiisa aaqqissuussaanissaat pillugu politikikkut isumaqatigiissut.
- 2026-p qiteqqunnerani inissianut suliassa qarfiup siunissami aaqqissuussaanissaa pillugu inatsisissatut siunnersuummut missingiutaasinnaasoq.
- 2026-p qiteqqunnerani tusarniaaneq, siunnersuut kommuninut inatsisartunilu partiinut saqqummiunneqassaaq, kingornalu naleqqussarneqarluni
- UKA2026 inissianut suliassa qarfiup siunissami aaqqissuussaanissaa pillugu inatsisissatut siunnersuummut missingiutaasinnaasoq pillugu inatsisissatut siunnersuut.

### **Namminersorlutik Oqartussat inissiaataannik ikilisisinissaq**

*Siunertaq:* Namminersorlutik Oqartussat inissianik sapinngisamik ikinerpaanik piginnittuussapput aammalu innuttaasut imminnut inissiamik pilersornissaannut annertunerusumik tunngavissiiisoqartalissaaq. Namminersorlutik Oqartussat inissiaataannik ikilisaanermi, siunissami atorfirmut atatillugu inissianik pisariaqartitsiumaarnissaaq eqqarsaatigineqassaaq. Piginneqatigiilluni inissiat pillugit inatsit naleqqussarneqassaaq, taamaalilluni Namminersorlutik Oqartussat inissiaataasa attartortittakkat piginneqatigiilluni inissiannortinneqarnissaannut inatsimmi tunngavissamik qulakkeerisoqassalluni.

*Namminersorlutik oqartussat inissiaataasa ikilisinissaannut aammalu piginneqatigiilluni inissiat pillugit inatsimmut allannguutissatut siunnersuummut piffissamut pilersaarut:*

- 2024-p qiteqqunnerani Namminersorlutik Oqartussat inissiaataasa piginneqatigiilluni inissiannortinneqarnissaannut inatsimmi tunngavissamik qulakkeeriniarluni, piginneqatigiilluni inissiat pillugit allannguutissatut siunnersuummut missingiut.
- 2024-p qiteqqunnerani allannguutissatut siunnersuutip tusarniaassutigineqarnera, siunnersuut kommuninut inatsisartunilu partiinut saqqummiunneqassaaq, kingornalu naleqqussarneqarluni.
- UKA2024 Piginneqatigiilluni inissiat pillugit inatsisip allanngortinneqarnissaa pillugu inatsisissatut siunnersuut oqaluuserineqassaaq.
- 2024-p naanerani Namminersorlutik Oqartussat inissiaataannik ikilisaanissami tunngaviit pillugit isummernissamut tunngavissiaq.
- 2024-p naanerani Namminersorlutik Oqartussat inissiaataannik ikilisaanissaaq pillugu politikikkut isumaqatigiissut.
- 2025-p aallartinnerani inatsisitigut naleqqussartariaqarsinnaasut qulaajarneqarnissaat, suliniutissallu allat.

#### Attaveqaqatigiinnissami pilersaarut:

Inissianik suliaasaqarfiup oqimaaqatigiissilernissaani suliaqarnermi, inissianik aaqqissuusseqqinneq pillugu ammasuunissaq tatiginassuseqarnissarlu aalajangiisuupput. Suliniutit aallartineqartut innuttaasunut, inuiaqatigiinnullu ataatsimut isigalugu annertuumik sunnuteqartussaapput, innuttaasullu tapersersuullutillu suleqataasariaqarlutik. Nunami najukkani inuiaqatigiit ineriartortinneqarnissaannut eqqarsaatiginnittumik, tapersiisumillu politikkimik pilersitsinissaq aaqqissuusseqqinnissami anguniakkat ilagaat. Tamatumani aaqqissuusseqqinnertigut suliniutit, angusallu pillugit innuttaasut, soqutigisaqatigiillu attuumassuteqartut ilisimatinneqartariaqarput, soorluttaaq ingerlatsisut attuumassuteqartut eqeersimaartumik peqataaquneqarlutik misilittakkaminnik, ilisimasaminnillu tapersiisuteqaquneqartariaqartut.

#### Siulianiittut naammassiumallugit Naalackersuisut:

- Aaqqissuusseqqinnissami immikkoortut siunnerfigalugit attaveqaqatigiinnissami periusissioarniarput. Attaveqaqatigiinnissami pilersaarut periusissiatigut aalajangersarneqassaaq, soqutigisaqatigiisunnaasullu allaatigineqarlutik.
- Aaqqissuusseqqinnertigut suliniutit, angusallu tusagassioffinnut nalunaarutitigut tusagassioffinnut nassiunneqarnerisigut, Naalackersuisullu nittartagaatigut paasissutissiisutigisarniarpaat.
- Ineqarnermut suliaasaqarfiup aaqqissuuteqqinneqarnerani killiffik pillugu ilisimatitsissutit ataavartut kommuninut, matumani kommunalbestyrelsit, Inatsisartuni partiit, ataatsimiititaliillu ilanngullugit nassiuttarniarpaat. Taakkua Inatsisartut upernaakkut, ukiakkullu ataatsimiinnerinut atatillugu minnerpaatut nassiunneqartassasut naatsorsuutigineqarpoq, taamaalilluni ingerlatsisut attuumassuteqartut tamarmik pisussanik ilisimasaqarniassammata.
- Aaqqissuusseqqinnermi siuariaatsit, suliniutaasussallu pillugit innuttaasunik ataatsimiisitsisarniarput.
- Kommunit, Inatsisartuni partiit, ilaatigullu soqutigisaqatigiit, innuttaasullu peqatigiiffii attuumassuteqartut aggersarlugit aaqqissuusseqqinnermi immikkoortut qulequtaralugit ataatsimiisitsisarniarput. Qulequtaqarluni ataatsimiittarnerit ingerlariaqqinnissamut, siunissamilu suliniutissanut tunngavissiissapput.
- Inatsisissatut siunnersuutip naammattumik piffissalerlugu tusarniutigineqarnissaa qulakkeerniarpaat.
- Suliniutissat akuersissutigineqartut, inatsisissatullu siunnersuut pillugit paasissutissanik saqqummersitsiniarput. Innuttaasunit tamanit ajornaatsumik malinnaaffigineqarsinnaanissaa sulissutigineqassaaq.




---

Ineqarnermut Attaveqaasersuutinullu Naalakkersuisoq  
Hans Peter Poulsen



---

Inuit Ataqtigiit  
Harald Bianco



---

Siumut  
Lars Poulsen